

Gvangjsih Minzcuz Bau

广西民族报 aenhauh okbanj: CN45-0036 B.2021 Nd.5 Ng.26 liggaeuq sincouj nienz ndwenseiq cibngux

Baihguenjbanh:
Gvangjsih Bouxcuengh Swcigih
Minzcuz Cunghgyau Swvu
Veijenzvei
Biengauj okbanj:
Gvangjsih Minzcuz Bause
Geizsoq: Gungh daih 3475 geiz
Geiz neix 8 banj

Siz Ginbingz Camgya Aen Hoih Bouxdaeuz Lwnhyaeng Gengangh Daengx Seiqgyaiq Caemhcai Gangj Vah Youqgaenj

习近平出席全球健康峰会并发表重要讲话

5 nyied 21 hauh banhaemh, gozgyah cajsiz Siz Ginbingz han vunz iucingj youq Baekging yungh sibinz camgya Aen Hoih Bouxdaeuz Lwnhyaeng Gengangh Daengx Seiqgyaiq, caemhcai aeu 《Dazfwngz Guhdaih Cauhlaeb Aen Veiswng Gengangh Caezcaemh Vunzloih》guh daez gangj le vah youqgaenj.

Siz Ginbingz naeuz, bi lai doxdaeuj, binghra q bwtndat seiz ndei seiz nyauq, gij binghra daih doxlah bak bi doxdaeuj ceiq haenq neix vanzlij haenq raeuh bae. Lai vaiq gaemh haeuj binghra q, dauq hawj

ginghci gyahwnj, dwg gij hongsaeh ceiq haenq ceiq daeuz seiqgyaiq gak guek. Gij cwngzyenz Aen Cizdonz Ngeihcib Guek wnggai youq daengx seiqgyaiq doxgap dingjfuengz binghra q ndawde dawz hwnj diuzrap, haenqrengz gyaak bonjsaeh hai banhfap wngqdoi ndei gij saeh-gienh goenggungh veiswng fwtfat hungnaek. Siz Ginbingz ok 5 aen yigen, baudaengz dingjmaenh dangq lwgminz ceiq daeuz, dangq minghvunz ceiq daeuz; dingjmaenh ciuq gohyoz guh, cingjdaej suenqveh ok baenz roix baenz rangh banhfap guh; dingjmaenh

doengzcaez okrengz, iuheuh caezhoz gapguh; dingjmaenh goengbingz hab-leix, lid “ciengz haengj dingj bingh” bae; dingjmaenh yw goek caemh byai, hawj aen dijhi ceihleix caezcienz daengj. Vihliux laebdaeb haeujcoengh daengx seiqgyaiq caezhoz dingjfuengz binghra q, Siz Ginbingz gangj gij vah suenqsoq hungnaek, baudaengz cieplaeng 3 bi dauqndaw, Cungguek caiq ok 30 ik maenz meijenz haeuj-coengh gak guek, yungh daeuj haeujcoengh aen guekgya cingqcaih hwnghat de dingjfuengz binghra q caeuj dauqfuk hwnghat ginghci

ndawbiengz; Cungguek gunghawj seiqgyaiq 3 ik faenh yizmyauz gvaq, coglaeng vanzlij langh rengz caez gunghawj yizmyauz lailai dem; Cungguek haeujcoengh gij giyez yizmyauz bonj guek soengq gisuz hawj aen guekgya cingqcaih hwnghat, doxgap swngchancj daengj.

Siz ginbingz youq doeksat dawz-naek naeuz, gyoengq raeuz dazfwngz caemh guh, guhdaih doinyoengx cauhaeb aen veiswng gengangh caezcaemh vunzloih, guhdaih dawz-hoh vunzloih coglaeng gengangh ndeindet! (Sinhvazse)

Lozcwngz: Dangciengz Baij Huq Yaekyinx Vunzlai Gyaez Doxgaiq Feihyiz Mulaujcuz

罗城：直播带货推介仫佬族非遗产品



5 nyied 20 hauh, Lozcwngz Mulaujcuz Swcien aendoih sohboq Mbanjranz Mulaujcuz daeuj daengz giz anyouq Mbanjranz Mulaujcuz couhwdg giz lawh dieg bang-gungz buen ranz anyouq, daengz aen cangj guh ndang-daenj Mulaujcuz ndawde dangciengz baij lwnh doxgaiq, yaekyinx vunzlai gyaez doxgaiq feihyiz Mulaujcuz, langhbaij gij feihyiz vwnzva Mulaujcuz maezvunz lailai.

(Veiz Yuzdai)

SIUSIK DINJ

简 讯

● 5 nyied 21 hauh, aen hoih lwnh vunzlai saehmoq gvendaengz hong henhoh Gvangjsih swnggvuz lai cungj lai yiengh youz Swcigih Swngghai Vanzging Dingh hai de lwnh vunzlai rox, daengx gih guh hong henhoh caeuj guenleix swnggvuz lai cungj lai yiengh baenzsaeh lwenqda, gij soq swnggvuz cungjloih youq daengx guek baiz daihsam.

(Yiz Fungh)

● Mboengqneix, aen hoih lwnh vunzlai gij saw moq bonj sawdoz riuzgangj sien fangz Bouxcuengh de youq Nanzningz Bozvuzganj banh. Gij sawdoz neix baudaengz《Fuk Man Ndeu》daengj gungh 6 bonj. Bonjbonj aeu gij goj riuzgangj sien fangz Bouxcuengh guh daez, aeu doxgaiq cojcienz minzcuz guh goek, miz riuzgangj sien fangz seng-doengh, dozveh ndei yawj, yinx bouxdoeg iq yawj le raen gij vwnzva Bouxcuengh maezvunz lailai.

(Hoz Hoz)

● Suenq daengz 5 nyied gyang-ndwen, Bwzswz Si Denzyangz Gih miz 9.53 fanh bouxhong ok rog guhhong, ndawde miz 3.33 fanh bouxhong duet-gungz caeuj gyawj gungzhoj, gij soq neix cungj lai gvaq bi gvaq.

(Veiz Bungzyen)

● Bineix doxdaeuj, Dwzbauj ok banhfap moq guh hozdung aeu “caezgya guh bak gienh saehcaen ndeileih vunzlai”guh cawjdaez. Ciuq gyoepsuenq mbouj liux, daj guh hozdung doxdaeuj, daengx yienh 128 aen danhvei (giyez) gungh coengh vunzlai guh 332 gienh saehcaen.

(Cinz Yinzbauj)

Coengh Vunzlai Hoiz Cuengh Hoiz Gun Doinyoengx Hagsib Son' gyauq Lizsij Aendangj Vih Vunzlai Banh Saehcaen

以汉壮互译服务为载体推进党史学习教育为民办实事

Geij bi neix doxdaeuj, Gvangjsih Minzcuz Yijvwnz Yenz-giu Cunghsinh gag rox dangq “fugsah gij bumwnz guh hong vah saw minzcuz gak si yen (si, gih) hoiz Gun baenz Cuengh” baenz gij saehcaen guh hagsib son' gyauq lizsij aendangj “gou vih vunzlai banh saehcaen”; guh sat gij hong bonjfaenh le, gaenxmaenx coengh

gij bumwnz guh hong vah saw minzcuz gak si yen (si, gih) mbouj miz vunz roxnaeuz mbouj gaeuq vunz guh hong hoiz Gun baenz Cuengh de guhhong. Daj bineix doxdaeuj, coengh Nanzningz, Vuzcouh, Gveigangj, Yilinz, Bwzhaij, Fangzcwngzgangj, Laizbinh daengj si hoiz 1400 diuz saw; ndawde baudaengz gij saw gven-

daengz hagsib son' gyauq lizsij aendangj, hagsib caeuj lwnh vunzlai rox gij cingsaenz gangj-vah caeuj vixyinx youqgaenj Siz Ginbingz youq mwh cazyawj Gvangjsih gangj ok de, aen hozdung “sam nyied sam Bouxcuengh”, vanzlij aenyaenq, gaiqbaiz danhvei daengj.

(Moz Binh)